

البوطة الصغيرة

نبقاو مع موضوع البوطان، غادي نتكلموا وتكلمنا ف الحلقة اللي فاتت على الخطر و المزايا ديالو. ونكلمو دائما مع الخطر، اليوم غانتكلمو غير على البوطة الصغيرة و ف الحلقة الجاية البوطة الكبيرة.

البوطة الصغيرة أولا الكبيرة راه بجوجهم فيهم غاز البوطان ولكن ندكرو بأن هاد الغاز كيف ما كنا ف الحلقة اللي فاتت بأنه كايستخرج من تحت الأرض بحال الشكل ديال الپترول، ما عندو شكل ما عندو لون و ما عندو ريحة. المنتجين هم اللي كايزيدو واحد المادة مير كابطون باش هكدا تكون عندو واحد الريحة و نحسوا بالخطر. ما غانتكلموش على البوطة الكبيرة. كايگولو بأن البوطة الصغيرة راها أخطر من البوطة الكبيرة، علاش؟ لان البوطة الكبيرة فيها واحد الساروت و واحد الروبييني. إلا كان الخطر الله يحفظ كانسد الروبييني، إبن هنايا ماكاينش مشكل. العكس ديال البوطة الصغيرة ما عندهاش الروبييني و هنايا كايين الخطر. نشوفو

البوطة الصغيرة عندها واحد البية، منين كانشريو داك الراس و كانديروه ف البوطة ديك البية كاتنزل و هكدا الغاز كايخرج. غير هو الله يحفظ إلا كانت ديك البية زاغت من البلاصة ديالها و هنايا ما عندي باش نسد. كايين الخطر أشنو المعمول؟ كيف كايگولو من قبل ما نخاف ما ندهش. أول حاجة خاصني ندير ناخذ البوطة واخا الغاز خارج، ناخذ البوطة و نخرّجها إل البرة. هنا بغيت نتكلم لأن هادشي اللي كانگولو راه خطأ، من الأحسن إلا شريت الراس باش غادي نديرو ف البوطة الصغيرة، نخرّج الراس و البوطة الصغيرة إل البرة غاد نركبو باش هكدا حتى إلا كان الله يحفظ يخرج الغاز تكون برّة و بعيد على الخطر. بعض الأمور حتى هي مهمة ولكن كاتبان لنا تافهة علاش؟ لأنها رخيصة ف التمن. غادي نتكلمو على واحد الجلدة صغيرة "لوجوان" داك الجوان راه مهم و مهم بزاف، الدور ديالو ما كايخليش الحديد يتحك ما بيناتو و هنا الله يحفظ يقدر يكون الخطر. و حاجة أخرى، إلا ديك البية اللي تكلمنا عليها زاغت من بلاصتها الجوان على الأقل كايحبس التسرب ديال الغاز. إبن إلا بدلت البوطة و الراس ديال البوطة اللي كايساوا التمن نخسر واحد الشوية ديال الفلوس و نبدل حتى الجوان.